

Allakkat toqqorsivimmiitiat pillugit Namminersorlutik Oqartussat nalunaarutaat

Allagaateqarfeqarneq pillugu Inatsisartut inatsisaat nr. 5, 3. juni 2015-imeersumi § 8, § 10, § 11, imm. 1 aamma § 13, imm. 2 naapertorlugu kiisalu Nunatta Katersugaasivianik Allagaateqarfianillu aamma Kalaallit Nunaanni Kommunit Kattuffiannik, KANUKOKA, isumaqatigiinniarnerit malillugit, aalajangersarneqarpoq:

Kapitali 1

Atuuffia

§ 1. Nalunaarut inatsisaat Namminersorlutik Oqartussani Kalaallit Nunaannilu kommunini ingerlatsivinnut tamanut atuuppoq.

Imm. 2. Nalunaarut sullissiveqarfinnut, ingerlatseqatigiiffinnut, peqatigiiffinnut il.il., pisortat ingerlatsiviitut naatsorsuunneqarsinnaangitsunut aamma atutissaq, kisianni allagaateqarfeqarneq pillugu Inatsisartut inatsisaanni § 1, imm. 2 naapertorlugu inatsisartut inatsisaanni ilaassanngitsoq Naalakkersuisut aalajangerput.

Imm. 3. Oqartussaqarfiiit, sullissiveqarfiiit, ingerlatseqatigiiffiiit, peqatigiiffiiit il.il. imm. 1-2-lu ilaatinneqartut tulliuttuni pisortat sullissiveqarfisut taagorneqassapput.

Kapitali 2

Suliarinninneq toqqortaqaarnerlu

§ 2. Pisortat sullissiveqarfiutaasa toqqortaatimik, matumani ilanngulligit elektronikkimik toqqortat, piffissami sukkulluunniit Nunatta Katersugaasiviata Allagaateqarfialtu allagaateqariaatsit akuerisai isumannaatsumik suliarineqarnissaat toqqortarineqarnissaallu isumagissavaat.

Imm. 2. Pisortat sullissiveqarfiutaasa toqqortatik pisortat sullissiveqarfisa allat toqqortaataannit immikkoortissavaat.

§ 3. Pisortat sullissiveqarfiutaasa allakanik toqqorsivimmiititanik suliaqarnerminni toqqortaqaarnermilu, matumani ilanngulligit pappiarat uppermarsaataasut aamma elektronikkimik sulianut uppermarsaatillu aquunnerinut ataqtigiissumik aaqqissuussinerit (ESDH-mik ataqtigiissumik aaqqissuussinerit) uppermarsaatit digitalinngortitanut allagaatinut sikaaviit ataqtigiissumik aaqqissuussinermut tamatumunnga naleqquttut atussavaat.

Imm. 2. Ataqatigiissumik aaqqissuussinerit atorneqartut imatut periuseqarluni aaqqissuunneqarsimassapput, inunnut attuumassuteqartut imaluunniit paasissutissat allanut oqaatigeqqlusaanngitsut nassuitsumik oqaatigineqartunut aamma piviusorsiortumik siunertaqartunut,

matumani ilanggullugit oqaluttuarisaanermut, kisitsisit atorlugit nassuaasiornermut imaluunniit ilisimatusarnermut atasumik siunertanut taamaallaat atortinnejqarsinnaassasut qularnaassallugu.

§ 4. Pisortat sullissiveqarfiutaat atorunnaarsinneqarpat, pisortat sulliviutaannut suliassaqarfimmik tigusisumut suliffeqarfiup allanut toqqorsivianiittut suliariressallugit toqqortarineqarnissaallu akisussaaffigissallugit pisussaavoq.

Imm. 2. Pisortat sulliviutaannit suliassaqarfik tiguneqanngippat, Nunatta Toqqorsivianut allakkat toqqorsivimiititassat tunniunneqassapput. Pisuni taamaattuni pisortat sullissiveqarfiutaannut atorunnaarsinneqartumut tunngatillugu tassunga quilliuenerusumik oqartussaasoq pisussaavoq allakkat toqqortaasivimiitit tunniunneqarnerinut akisussaassalluni.

§ 5. Pisortat sullissiveqarfiata suliassaqarfisa pisortat sullissiveqarfiannut allamut nuunneqarneranni, toqqortat sulianut inaerneqanngitsunut tungassuteqartut pisortat sullissiveqarfiutaannut suliassaqarfimmik tigusisumut nuunneqartassapput.

Imm. 2. Toqqortat allat Nunatta Katersugaasivianut Allagaateqarfianullu nuunneqarnissamik tungaanut allagaateqarfeqarneq pillugu Inatsisartut inatsisaanni § 12 naapertorlugu pisortat sullissiveqarfiutaanni nuussisiiginnartassapput. Toqqortat taamaattut pisortat sullissiveqarfiutaannut tigusisumut nuunneqartarnissaat Nunatta Katersugaasiviata Allagaateqarfatalu pisuni immikkut ittuni akuerisinnaavaa.

Imm. 3. § 2, imm. 2-imi aalajangersagaq aamma atuutissaaq imm. 1 aamma 2 naapertorlugin toqqortaatinik nuussisoqarnerani.

Imm. 4. Pisortat sullissiveqarfiutaasa akornanni suliassaqarfinni nuussinermi sullissiveqarfit attuumassuteqartut toqqortaatit aguataarneqarnissaat pilligit malittarisassat imm. 1-3 naapertorlugin aalajangiissapput.

Toqqortaatit IT-mi ataqatigiissumik aaqqissuussaniittut immikkut suliariineqartarnerat toqqortarineqarnerallu

§ 6. IT-mi ataqatigiissumik aaqqissuussaniittut allakkanik ilallit suliamut allakkat tamarmik attaveqartinneqassapput

Imm. 2. Suliat tamaasa pilligit paassisutissat nalunaarsorneqassapput, suliap suussusersinnaaneranut nassaarinissaalu periarfissiuunniarlugit, matumani ilanggullugit:

- 1) suliap normua,
- 2) suliap taaguutaa,
- 3) suliamut akisussaasoq aamma
- 4) allakkanik nalunaarsuiffeqarneq, imaluunniit nalunaarsuineq nalunaarsuinermut suleriaatsimut allamut naapertuttoq takuuq § 15, imm. 2.

Imm. 3. Paassisutissat imm. 2-mi allaaserineqartut ataqatigiissumik aaqqissuussami tabelip oqaluttuassartaata ataatsimut nassuaataani imatut uppernarsarneqassaaq, oqaluttuassartap ataatsimut nassuiarnera allagaateqariaatsimut ilangussinnaassalluni.

§ 7. Suliat ataasiakkaarlutik paassisutissartaat nalunaarsorneqassapput, suliap suussusersinnaaneranut nassaarinissaalu periarfissiuunniarlugit, matumani ilanggullugit:

- 1) allakkap taaguutaa,
- 2) allakkap ullulernera,
- 3) allakkanut isertunut anisunullu: nassiussisoq/tigusisoq,
- 4) toqqorsivimiiteriaaseq aamma

5) suliamut ilaaneq.

Imm. 2. Paasissutissat imm. 1-imí allaaserineqartut ataqtigii sumik aaqqissuussami tabelip oqaluttuassartaata ataatsimut nassuaataani imatut uppernarsarneqassaaq, oqaluttuassartap ataatsimut nassuiarnera allagaateqariaatsimut ilanngussinnaassalluni.

§ 8. IT-mi ataqtigii sumik aaqqissuussami, oqartussaasunit arlalinnit atorneqartumi, suliami uppernarsaatinilu nalunaarsuiffimmi, oqartussaasup sorliup suliassaq uppernarsaalluunniit nalunaarsorsimaneraa takuneqarsinnaassaaq.

§ 9. Tassunga immikkut illuinnartumik tunngavissaqartillugu §§ 5-8-mit Nunatta Katersugaasiviata Allagaateqarfiatalu immikkut ittumik akuersissuteqarfigisinnavaai.

IT-mit ataqtigii sumik aaqqissuussamit paasissutissanik uppernarsaatitaanilluunniit allagaateqariaatsit

§ 10. Allagaateqariaaseq tassaavoq paasissutissanik aaqqissuussineq, paasissutissat imarisai aamma allagaateqariaaseq pillugu paasissutisiineq.

Imm. 2. Allagaateqariaaseq paasissutissanik paasiuminaallisakkanik imaqassanngilaq.

Imm. 3. Allagaateqariaaseq piffissami killilimmeersunik paasissutissanik aallakkanilluunniit eriaginartumik tamanik, paasissutissanik iluarsiiffigineqartarunnaarsimasunik ilaartorneqarunnaartunilluunniit, imaluunniit piffissami aalajangersimasumi piffissarpiamik takussutissatut ilusilerneqartunik paasissutissanillu allagaatinilluunniit eriaginartunik tamanik imaqassaaq.

Imm. 4. IT-mi ataqtigii sumik aaqqissuussamit allagaateqariaatsimi allagaatit nalunaarsuinermut piffissaq nikisinnagu suliarineqarpata imaluunniit nalunaarsuinermut piffissap nikisinneranut atatillugu allagaatinik piffissamut nutaamut nuussinermi, allakkat allagaateqariaatsimut ilannguttut, IT-mi ataqtigii sumik aaqqissuussami imatut periuseqarluni nalunaaqutserneqassapput, allagaateqariaatsini tulliuttuni pinngitsoorneqarsinnaallutik.

Imm. 5. Allagaateqariaatsit allatigut tessunga najoqqu tassanut, matumani ilanngullugit filet qanoq ittuunissaat paasissutissallu ilusissaat pillugit Nunatta Katersugaasiviata Allagaateqarfiatalu aalajangersagaanut naapertuitissapput. Najoqqu tassiat Nunatta Katersugaasiviata Allagaateqarfiatalu nittartagaani tamanut saqqummiunneqassapput.

§ 11. Allagaateqariaatsimi paasissutissanik ilusilersuineq imaappoq:

- 1) mappit ilusilersorneri
- 2) atassuteqarnermut paasissutissaateqarfip ilusilersornera 1-itut nalinginnaasumik ilusilerlugu qaffasinnerusunngorluguluunniit, indexfile tableIndex.xml-imi oqaatigineqarpoq
- 3) XML-imimi indexfilet allat, allagaateqariaatsimi pingaarnertut imarisaa pillugu paasissutissanik ilusiliisut, filet tamakkerlugin allagaateqariaatsimi, uppernarsaatit ataqtigii innerini aamma digitalikkut uppernarsaatitarisinnaasaani.

§ 12. Paasissutissat imarisai makkuupput:

- 1) tabelip imarisani paasissutissat pissusii assigiissaakkat aamma
- 2) digitalikkut allagaataasinnaapput, nipit, videot aamma nunap sananeqataanut tunngasut paasissutissatut angissusilersonerlugin assigiissaakkat

§ 13. Allagaateqariaaseq pillugu paasissutissat makkuupput allaffisornermut atugassatut, paasissutissat imarisannik IT-milu ataqtigii sumik aaqqissuussaq

Kapitali 3

Nalunaarutiginninnerit akuersissuteqarnerillu

Nalunaarsuisarnernut toqqortaateqarnernullu pilersaarutit aamma nalunaarsuisarnermut ilitsersuutit

§ 14. Pisortat sullissiviutaat nalunaarsuisarnernut toqqortaateqarnernullu pilersaarutinik aamma nalunaarsuisarnermut ilitsersuutinik, taakkua atorneqalersinnaagit Nunatta Katersugaasivianit Allagaateqarfiannillu akuerineqartussanik suliaqassapput.

§ 15. Nalunaarsuisarnernut toqqortaateqarnernullu pilersaarutit tunngaviusut imaattut malillugit ineriartortinneqassapput:

- 1) pilersaarut sammisanut immikkoortiterneqassaaq,
- 2) suliffeqarfiup suliassamik ingerlatsinerani suliassaqarfni sammisat immikkoortiterneqassapput aamma sullissiveqarfuit aaqqissuussaanikkut ilusilersorneri pineqassangillat,
- 3) nalunaarsuisarnernut toqqortaateqarnernullu pilersaarutit qaffasissutsinut immikkoortiterneqarsimassapput aamma
- 4) qaffasissutsit amerlassusaat sullissiveqarfiup pisariaqartitaanut killiliussat iluanni sabinngisamik killilermansaneqassapput,

Imm. 2. Suliffeqarfiup suliassat qanoq ittuuneri killeqartut taamaallaat suliarisarpagit nalunaarsuisarnernut toqqortaateqarnernullu pilersaarut pillugu piumasaqaammut Nunatta Katersugaasivia Allagaateqarfialu immikkut ittumik akuersissuteqarsinnaapput.

§ 16. Nalunaarsuinermut ilitsersuut makkua allaaserinerinik imaqassaaq:

- 1) Oqartussaasup sulisaasianut suliallu ingerlasarnerinut tunngatillugu:
 - a) Suliassanik allakkanillu atsiineq.
 - b) Suliad pilersinnejcarneri matunerilu.
 - c) Ataqatigiissumik aaqqissuussamik nalunaarsuinermik matumani ilanngullugit ataqtigiiqerlerilu.
- 2) Suliassaqarfuit allanngortinnerinik suliaqarneq.
- 3) Nalunaarsuinermi piffissat killillit.
- 4) Ataqatigiissumik aaqqissuussami nalunaarsuinermik pitsaassutit qularnaariffigineri aamma nalunaarsuinermik suleriaatsip nakkutiginera.
- 5) Nunatta Katersugaasivianut Allagaateqarfiannillu tunniussinermut atatillugu ingerlatseriaaseq.

Imm. 2. Allagaataasivimmun inissiinermi IT-mik ataqatigiissumik aaqqissuussaq atorneqarpat, saniatigut nalunaarsuinermut ilitsersuut allaatiginnejcarneri makuninnga imaqassaaq:

- 1) Ataqatigiissumik aaqqissuussap siunertaa imarisaalu, matumani ilanngullugit oqartussaasup ataqatigiissumik aaqqissuussaanut allanut ataqatigiissuteqarneq.
- 2) Toqqorsivimiititsinerup annertussusiata aqunneqarnera, matumani ilanngullugit immaqa allakkat pappiarat il.il. IT-mi ataqatigiissumik aaqqissuussat nalunaarsorneqartut, ataqatigiissumik aaqqissuussami toqqortaannngitsut toqqorneqarneri.
- 3) Ataqatigiissumik aaqqissuussami filet pissusii akuerisat.
- 4) Ataqatigiissumik aaqqissuussamik atortussat assingisa scannerner digitalisereriluunniit.
- 5) Ataqatigiissumik aaqqissuussanik allanngortitsineq.

§ 17. Nalunaarsuisarnernut toqqortaateqarnernullu pilersaarutit imaluunniit nalunaarsuinermik ilitsersuutip akuersissutigineranut atatillugu Nunatta Katersugaasivia Allagaateqarfialu taakkua siunissami atajuartinniarlugit atugassanik aalajangersaasinnaapput.

Imm. 2. Nalunaarsuisarnernut toqqortaateqarnernullu pilersaarutit imaluunniit nalunaarsuisarnermut ilitsersuutit allanngortinneri Nunatta Katersugaasivianut Allagaateqarfianullu nalunaarutigineqartassapput tassanngalu akuersissutigineqarlutik.

Imm. 3. Taamaattorli allanngortitsinernut piumasarineqartunut mikinerusunut pisortat sullissiviutaasa namminneq nalunaarsuiffimminnik toqqortaateqarnermillu aaqqissornissaannut, matumani ilanngullugu nalunaarsukkat normuinik pilersitsinermut allannguinermillu Nunatta Katersugaasivia Allagaateqarfialu immikkut akuersissuteqarsinnaavoq.

Nalunaarutiginninnerit akuersissuteqarnerillu allat kiisalu ingerlatseriaatsit

§ 18. Naalakkersuisuni suliassaqarfiit allanngorneri Nunatta Katersugaasivianut Allagaateqarfianullu nalunaarutigineqassapput.

Imm. 2. Suliassaqarfiup allanngorneranut imaluunniit nalunaarsuiffimmut ilitsersuummi tassunga uppernarsaanikkut nalunaarutiginninneq pissaaq. Nalunaarummi § 17, imm. 2 sioqqutsisumik nalunaaruteqarneq akuersissuteqarneq pillugu piumasaqaammi nalunaaruteqarneq ilaangilaq.

§ 19. IT-mik ataqtigiissumik aaqqissuussani, paasissutissanik ketersuni toqqortuissunilu, oqartussaasut sulinerannut (digitalimik ingerlatsinermut atortut) atatillugu pilersinneqartut imaluunniit pissarsiarineqartut, Nunatta Katersugaasivianut Allagaateqarfianullu nalunaarutigineqassapput, tamatuma kingorna ataqtigiissumik aaqqissuussap paasissutissat imarisai iluatinnartuunersut naliliissaq. Taamaassappat Nunatta Katersugaasivianit Allagaateqarfianillu akuersissutigineqassapput.

Imm. 2. IT-mik ataqtigiissumik aaqqissuussap pissarsiarivinnissaa qaammatinik pingasunik sioqqullugu kingusinnerpaamik nalunaarutiginninneq pissaaq.

§ 20. Allakkat toqqorsivimiititat toqqortarinerinut suliarinerinullu pisortat sullissiveqarfiataat annertuumik allanngortitsippat, soorlu toqqorsivik nutaaq atulerniarlugu, allannguut atuutilersinnagu qaammat ataaseq sioqqullugu Nunatta Katersugaasivianut Allagaateqarfianullu nalunaarutigineqassaaq tassanngalu akuersissutigineqarluni.

§ 21. Nalunaaruteqarnermut akuersissuteqarnermillu ingerlatseriaatsimut atatillugu pisortat sullissiveqarfiataat allakkamik naammaginalruartumik tunniussissaaq aamma Nunatta Katersugaasivianit Allagaateqarfianillu tamanna pillugu qinnuteqareerneratigut paasissutissanik naleqquttunik nassiussissaaq.

§ 22. Nalunaaruteqarneq Nunatta Katersugaasiviata Allagaateqarfatalu immersugassat innersuussutai aamma ingerlatseriaatsimut tassunga Nunatta Katersugaasiviata Allagaateqarfatalu aalajangersagai naapertorlugit pissaaq. Nunatta Katersugaasiviata Allagaateqarfatalu nittartakkamini, immersugassat suut atorneqassanersut, nalunaarutiginninnermi akuersissuteqarnermilu ingerlatseriaatsit aamma nalunaaruteqarnermut killigititaq, tamanut saqqummiuppai.

Kapitali 4

Tunniussineq

§ 23. Allakkat toqqorsivimiititat ukiunit 15-init pisoqaanerusut pisortallu sullissiveqarfiutaata sulinerani atortussaajunnaartut Nunatta Katersugaasivianut Allagaateqarfianullu tunniunneqassapput. Pisuni immikkut ittuni aamma Nunatta Katersugaasivianut Allagaateqarfianullu isumaqatigiissuteqarnikkut tunniussineq piffissami allami pisinnaavoq.

Imm. 2. Tunniussinissap tungaanut pisortat suliffeqarfiutaat allakkanik toqqorsivimiititaminnik

illorsorneqarsinnaasumik toqqortarinninnissaminut pisussaapput.

Imm. 3. Pisortat sullissiveqarfutaat atorunnaarsinneqarpat taassuma toqqortaataasa pisoqaassusaat apeqquaatinngagu tunniunneqartassapput, pisortat sullissiveqarfutaannit allamit suliassaqarfimmik tigusisussamit atorneqassanngikkunik.

§ 24. Allakkat toqqorsivimiititat tunniunneqarnerminni torersarneqarsimassapput, poortorneqarsimallutik, nalunaaqutserneqarlutik qulequtsorsorneqarsimassallutillu aammalu suliat ataasiakkaat pisariaqanngitsortaat peerneqarsimassallutik, kisianni takuuq imm. 2.

Imm. 2. Allakkat toqqorsivimiititat pisortat sullissiveqarfutaata sullissiveqarfimmit atorunnaartumit tigusai, tiguneratut pissuseqartillugit tunniunneqarsinnaapput.

Imm. 3. Pisortat sullissiveqarfutaat tunniussisoq tunniussinermi aningaasartuutinik tamanik akiliissaq.

§ 25. Allakkat toqqorsivimiititat allagartaasa tunniussinermi tunniussineq sioqqullugu pisortat sullissiveqarfutaata tunniussinermut piareersaaneq suliarissavaa, ilaassappullu:

- 1) atortut paarineqartussaanngitsut immikkoortinneqassapput,
- 2) allakkat toqqorsivimiititanut ajoqusernerusinnaasut iluarsaaneq,
- 3) Nunatta Katersugaasiviata Allagaateqarfialu innersuussineri malillugit allakkat toqqorsivimiititat poortorneqassapput nalunaaqutserneqarlutillu,
- 4) suliassap salinnersa, imaappoq allakkanit toqqorsivimiititanit savimerngit plastikkillu piarneri aamma
- 5) allakkanut toqqortaasivimiititanut uppernarsaenerup suliarineri.

Imm. 2. Qanoq eriagisariaqartigineranut tunngatillugu tamanna eqqarsaatigineqassappat, imm. 1-imi piumasaqaatinut Nunatta Katersugaasivia Allagaateqarfialu immikkut akuersissuteqarsinnaapput.

§ 26. Allakkat toqqortaasivimiititat elektronikkiusut tunniunneranni, pisortat sullissiveqarfutaata allagaateqariaatsitut iluseqarluni tunniussisoqarnissaa qularnaassavaa. Tamanna paasissutissanut allakkatigut uppernarsaatit, nipiit, videot assitigullu atortut eriagisariaqartunut atuuppoq.

Imm. 2. Nunatta Katersugaasiviata Allagaateqarfialu eriagisariaqarsinnaaneq pissutigalugu, allakkat toqqorsivimiititat allagartaasa allagaateqariaatsitut iluseqarlutik toqqortaatigineqarnissaat, aalajangersarsinnaavaa.

Imm. 3. Nunatta Katersugaasiviata Allagaateqarfialu eriagisariaqarsinnaaneq imaluunniit naleqquttumik pissuteqarluni allagaateqariaatsip tunniunneqarnissaa pillugu piumasaqaammik immikkut akuersissuteqarsinnaavoq taarsiullugu atortussat allatut ilusilerlugit tigusinnaallugit, assersuutigalugu qarasaasiamit pappiaranngortitatut.

§ 27. Allagaateqariaatsimit paasissutissat eriagisariaqartut Nunatta Katersugaasiviata Allagaateqarfialu piffissani aalajangersagaani tunniunneqassapput. Tunniussinissamut piffissat Nunatta Katersugaasiviata Allagaateqarfialu nittartagaani tamanut saqqummiunneqassapput.

§ 28. Allakkat toqqortaatigineqartut tiguneqarpata, Nunatta Katersugaasiviata Allagaateqarfialu tigunerinut uppernarsaat nalunaarutigissavaa. Nalunaarummi § 29 malillugu tigusineq akuersissutiginninnerunngilaq.

§ 29. Allakkat toqqorsivimiititat aatsaat tunniunneqartutut isigineqassappat, tunniussineq Nunatta Katersugaasiviata Allagaateqarfialu akuersissutigippagit.

Imm. 2. Allakkat toqqorsivimiititat allagartaasa tigunerini paasineqarpat, tunniussinermut piareersaanermik suliaq naammassineqarsimanngippat, takuuk § 25, amigaatit paasineqartut sullissiveqarfimmit tunniussisumit imaluunniit sullissiveqarfiuup akiligassaanik iluarsineqassapput.

Imm. 3. Elektronikkimik allakkat toqqorsivimiititat tigunerani paasineqarpat, allagaateqariaatsip

tamatumunnga malittarisassai naammassinnngitsut, takuuk §§10-13, allagaateqariaatsimi amigaataasut sullissiveqarfimmit tunniussisumit imaluunniit sullissiveqarfiup akiligassaanik iluarsineqassapput.

§ 30. Allagaateqariaatsip tunniunnerata kingorna paasissutissat tunniunneqartut nuutinneri uppernarsaatit suliallu aaqqissuunneqarnissamut (oqaluttuarisaanermut paasissutissaateqarfik) matoqqappata sullissiveqarfiup tigummiinnarsinnaavai.

Imm. 2. Paasissutissaateqarfiup oqaluttuassartaa taamaallaat toqqorsimaneqassaaq inatsimmi ilaani allami peerneqarnissaanut piffissamut killigititanut akerliunngippat. Pisortat sullissiveqarfiutaata paasissutissaateqarfisa oqaluttuassartaasa inatsisip ilaani allami peerneqarnissaannut killigititat naapertorlugit peerneqarnissaat qularnaassallugu akisussaaffigaa.

Kapitali 5

Atorunnaarsitsineq

§ 31. Allakanik toqqorsivimmiiitanik atortussajunnaarsitsineq tulleriaarlukkamik suliarineqarluni sunniuteqarluartumillu naammassineqassaaq, taamaalilluni isumalluutit, toqqortaateqarnermut atatillugu atorneqarnerat naleqqunnerpaamik atorluarneqaqqullugu.

Imm. 2. Allakanik toqqorsivimmiiitanik atortussajunnaarsitsineq aatsaat pisinnaavoq, allakkat toqqorsivimmiiitat allaffissornikkut eqqartuussivikkulluunniit innuttaasumut oqartussaasumulluunniit pingaarutaaruppata aamma toqqortaateqartussaanerut tunniussinissamulluunniit inatsit alla malillugu naammassineqarpata.

Imm. 3. Suliap suliareqqitassanngornerani, aqutsinermut oqartussaasumut allamut naammagittaalliuut, ombudsmandimut naammagittaalliuut imaluunniit eqqartuussivinni suliassanngortitsineq, suliareqqitassanngortitsineq imaluunniit naammagittaalliuut imaluunniit eqqartuussivimmi suliarinninnerup naammassinissaa siqqullugu atorunnaarsitaassanngilaq.

§ 32. Pisortat suliffeqarfisa allakkat uppernarsaatit makkua piumasaminnik atortussajunnaarsissinnaavaat, taamaattorli takuuk imm. 2 aamma § 31, imm. 2:

- 1) Naatsorsuutinut bilagit.
- 2) Naatsorsuutinut atortussat allat, ukiunik tallimanik pisoqaanerusut.
- 3) Illuutinut tunngasunik ingerlatsineq, atortut pilersuinerillu pillugit suliat.
- 4) Allaffissornermut pissutsinut, matumani maskiinanut kiisalu pequtinut tunngatillugit suliassat.
- 5) Allakkat uppernarsaatit, Nunatta Katersugaasiviata Allagaateqarfatalu elektronikkimik ataqtigiissumik aaqqissuussamik akuerisaanik scannerneqartut.
- 6) Atortussat katersat, taamaallaat pissarsiarineqartut eletronikkimik nalunaarsuifinnut, paasissutissaateqarfinni il.il. paasissutissatut qarasaasiamic suliarineqarnissaat siunertaralugu (paasissutissat qarasaasiap suliassai).
- 7) IT-mik ataqtigiissumik aaqqissuussamik allaganngortitat katersat, taamaallaat allagarsiinermi, paasissutissiinermi nakkutilliinermilu atorneqartut (paasissutissat edb-mi ataqtigiissumik aaqqissuussamik suliarineqartut).
- 8) Atortussat saqqummiussat, matumani ilanngullugit atuagaaqqat, internetimit pappialangortitat, suliamik ingerlatsinissamut pissutissaqalersitsinngitsut.
- 9) Atortussat allat, paasissutissatut tigusat, aamma suliamik ingerlatsinissamut pissutissaqalersitsinngitsut.
- 10) Oqartussaasut saqqummiussaasa sanaartornerinut atortussat, matumani ilanngullugit internetimi

nittartakkat.

11) Nuutitsinerit sinneruttut, allakkanik uppernarsaataasunik pappiaranngortitsinerit sinneruttut.

Imm. 2. Allakkut atorunnaarsitsineq Nunatta Katersugaasiviata Allagaateqarfiatalu tassunga najoqquassat aalajangersagai naapertorlugit pissaaq. Najoqquassat Nunatta Katersugaasiviata Allagaateqarfiatalu nittartagaani matumani ilanngullugit najoqquassiat taamaallaat pisortat sullissiveqarfiutaannut tamanut saqqummiunneqassapput.

§ 33. Eletronikkikkut allakkanik toqqorsivimmiiitanik tunniussinermut atatillugu Nunatta Katersugaasiviata Allagaateqarfiatalu nalilissavaa, digitalimik paasissutissat suut atatiinnarneqassanersut, suullu atortussajunnaarsinneqassanersut.

Imm. 2. Pisortat sullissiviffeqarfiutaanni IT-mik ataqtigiissumik aaqqissuussami paasissutissanik atortussajunnaarsitsilluni peersisoqassangilaq allagaateqariaasinngorlugit paasissutissat Nunatta Katersugaasiviata Allagaateqarfiatalu tunniunneqartinnagit imaluunniit suliassamut tunniussinermut atatillugu Nunatta Katersugaasiviata Allagaateqarfiatalu atorunnaarsitsinissaanut aalajangiunneqarsimappata, taamaattorli takuu § 34.

Imm. 3. Nunatta Katersugaasivia Allagaateqarfialu imm. 2-mi piumasaqaatigineqartunut immikkut ittumik akuersissuteqarsinnaapput, tunniussineq sioqqullugu allakkanik toqqorsivimmiiitanik toqqorsinissamut atorunnaarsitsinissamullu naliliinissamut, tamanna pillugu pisortat sullissiveqarfiutaata sullissiveqarfup toqqorsinissamut inissakillorneq tunuliaqtalarugu qinnutigippagu.

§ 34. Atorfinnut qinnuteqaatit, atorfinitstaanngitsoornermik kinguneqartut, ukioq ataaseq toqqortarineqassapput, tamatumalut kingorna atortussajunnaarsinneqassapput, taamaattorli takuu § 31, imm. 3.

§ 35. Allakkat toqqorsivimmiiitat, Nunatta Allagaateqarfianit atorunnaarsitsinissamut aalajangiunneqartut, Nunatta Allagaateqarfianut tunniunneqarsinnaanngillat.

Imm. 2. Allakkat toqqorsivimmiiitat atorunnaarsitassanngortitat aarlerinanngitsumik periuseqarluni aserorterneqarnissaat oqartussaasut suliffeqarfisa qularnaassavaat.

Imm. 3. Allakkat toqqorsivimmiiitat, paasissutissaateqarfup oqluttuassartaata ilaautut inisisimasunut, takuu § 30, imm. 2-mi aseroterinissaq pillugu piumasaqaammut ilaanngillat.

Kapitali 6

Nakkutiginninneq pineqaatissiinissamullu aalajangersakkat

§ 36. Nunatta Katersugaasivia Allagaateqarfialu Allagaateqarfeqarneq pillugu Inatsisartut inatsisaata eqqortinnejarnissaannik nakkutiginnittuuvooq, nalunaarut manna najoqquassallu, nalunaarut aamma allagaateqarnermut malittarisassat naapertorlugit Nunatta Katersugaasiviata Allagaateqarfiatalu atortuulersippai.

Imm. 2. Nunatta Katersugaasivianut Allagaateqarfianullu, nakkutiginninnerup suliarinissaanut pingaarutilinnik, paasissutissanik taamaattunik tamanna pillugu qinnuteqarneq malillugu Pisortat sullissiveqarfiutaat tunniussisassapput

Imm. 3. Pisortat sullissiveqarfiutaannik allagaateqarnermut malittarisassanik qaangiinnaasoqarnera paasineqarpat, sullissiveqarfik malittarisassanik naammassinneqquallugu aaqqiissuteqarnissaanik Nunatta Katersugaasiviata Allagaateqarfiatalu peqqusinnaavaat.

Imm. 4. Nunatta Katersugaasiviata Allagaateqarfiatalu allagaateqarnermut malittarisassanik annertuumik qaangiinnaasoqartillugu pisortat sullissiveqarfiutaata oqartussaasutut qullersarisaanut

imaluunniit oqartussaasutut nakkutilliisumut nalunaarutigissavaat, aamma Kultureqarnermut Naalakkersuisoqarfimmum ilisimatitsissutigissavaat.

§ 35. Nalunaarummi aalajangersakkat atugarisaasut § 17, imm. 1 malillugu nalunaarutigineqartut aamma § 22, § 10, imm. 5 aamma § 32, imm. 2 malillugu Nunatta Katersugaasivianit Allagaateqarfianillu najoqqutassat atuutsinneqartut unioqqutinnejarpata akiliisitaasussanngorttsisoqarsinnaavoq.

Imm. 2. Inatsisitigut akisussaasusut Kalaallit Nunaanni pinerluttulerinermi inatsimmi maleruagassat malillugit akiliisussanngortinnejqarsinnaapput.

Imm. 3. Akiliisitsissutit Nunap Karsianut tutsinneqassapput.

Kapitali 7

Atuutilersitsinermut atorunnaarsitsinermullu aalajangersakkat

§ 36. Nalunaarut ulloq 1. oktober 2016 atuutilissaaq.

Imm. 2. Katersugaasiveqarnermut Allagaateqarfegarnermullu ataatsimiititaliap suleriaasissaa pillugu Namminersornerullutik Oqartussat nalunaarutaat nr. 2, 26. januar 1996-imeersoq aamma Katersugaasiveqarnermut Allagaateqarfegarnermullu ataatsimiititaliami katersugaasivit akuerineqarsimasut sinnisaasa qinerneqartarerat pillugu Namminersornerullutik Oqartussat nalunaarutaat nr. 3, 26. januar 1996-imeersoq atorunnaarsinneqarput.

Namminersorlutik Oqartussat, ulloq 21. september 2016

Nivi Olsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

